

CASA  
\* DI E  
LINGUE

PRUGRAMMA **GHJENNAGHJU > GHJUGNU**

**Puntellu di a pulitica culturale di a Cità di Bastia, v'accoglie a Casa di e Lingue inde un quattru cunviviente è vivu chì vole rispechjà l'ambizione per issu terzu locu novu : un spaziu di adunita, di scontru è di tramandera chì vole mette à l'onore u plurilinguèssimu è a diversità culturale.**

un lieu **ressource** pour les acteurs privés souhaitant intégrer la **langue corse à leur projet économique ou associatif.**

une offre plurielle et ouverte accueillant **3 associations** sédentaires : Praticalingua, Canopé, et la Fondation du Patrimoine.



un lieu de **programmation culturelle** à destination de tous les publics, initiés et débutants.

un lieu d'apprentissage **A Scola Internazionale di e Lingue.**

un espace **pédagogique à destination de toute la jeunesse** du territoire : écoles, centres aérés...



## **GHJENNAGHJU**

Ven. 09.01 > 6 ore di sera

### **[MÙSICA] ANTONE CIOSI PER CAPU D'ANNU**

Per apre l'annata 2026, a Casa di e Lingue accoglie à Antone Ciosi per una stonda eccezzionale. Incù a so voce mitica è u so timbru vocale senza paru, sparterà cù noi a so storia, i so testi è e so più belle creazione chi anu marcatu un populu. A so sensibilità in u mumentu intimu è raru da campà.

Mer. 14.01 > 7 ore di sera

### **[MÙSICA] ULTIMU DISCU DI ANGHJULA POTENTINI**

S'affacca Anghjula Potentini à presentà à a Casa di e Lingue u so ultimu discu Di mè n'avete fattu una mamma. Un concertu à l'intimu cù una voce tissuta trà dolcezza è putenza à ùn mancà in stu principiu d'annata.

Mar. 20.01 > 6 ore è mezu di sera

### **[ARTE] DA A CORSICA A L'UNIVERSALE : L'OPERA DI DOMINIQUE DEGLI ESPOSTI**

Scontru ingiru à l'opera di Dumenicu Degli Esposti animatu da Janine Vittori cù a presenza di Vannina Bernard-Leoni, cummissaria di a mostra, Marcel Fortini, direttore di u Centru mediterraneu di a

fottografia, è Michel Rossi, amicu di l'artistu.

Metteranu in risaltu l'andatura di Dumenicu Degli Esposti, a so leia cù a Corsica è l'apertura universale di a so opera.



Ven. 23.01 > 6 ore di sera

### **[LITERATURA] IN QUELLI ANNI DI A BRASGIA – PASQUALE OTTAVI**

Presenta a Casa di e Lingue u rumanzu novu di Pasquale Ottavi, scrivanu è anzianu profussore à l'Università di Corsica in Scienze di l'Educazione. Seguita u so rumanzu u destinu di Marcu Maria natu nù u tramutu d'una Corsica di dopu guerra. Trà amori, indiaturre è dúbiti, a so vita ùn era prevista à diventà cusi incerta. Un racontu duve l'intimu vene à scuntrassi cù ciò ch'omu chjama qui « les années de braise ».

Ven. 30.01 > 6 ore di sera

### **[PATRIMONIU] ERNAGHJI È ARNAGHJI CÙ JEAN-LOUIS SANTINI**

Presenta a so òpera « Ernaghji Arnaghji » Jean-Louis Santini. L'autore è passianatu di patrimoniu campagnolu è face u ricensu di e custruzione vechje fatte à petre chì piattanu e so bugne chjamate « ernaghji ». Restituisce una pràtica scunnisciuta : fà entre bugne nù i muri di bastimenti diversi. Si parlerà allora di tippulugia è di tupunimia incù testimonianze di quelli chi anu cunnisciutu sta tradizione in quelli tempi landani è scurdati di a nostra cultura.

Sab. 31.01 > 4 ore dopu mezzornu

## **[LINGUA CORSA] I SCONTRI CULTURALI**

Accoglie a Casa di e Lingue i Scontri animati da Cathy Campana, caffè culturali, aperti è vivi. Ingiru à invitati indiatu nù u mondu artisticu è culturale, st'appuntamenti mettenu à l'onore u scambiu, l'ascolta è a mediazione spartuta. Un tempu appesu per tesse i sguardi, nutri un pensà è scioglie a lingua corsa. Umanu è sinceru in corpu à a Casa di e Lingue è a so nuvella caffetteria In casa toia.



## **FERRAGHJU**

Ven. 06.02 > 6 ore di sera

## **[SPORTU È SUCIOLUGIA] SUR LES TERRAINS DU DISCOURS CORSE**

Sfrutta Sébastien Quenot attraversu u so libru cumu si costruisce oghje ghjornu l'identità corsa ? Per via di segni varii, a lingua, a cultura, u sportu, studia u maestru di conferenza è rispunsivule à l'UMR LISA di l'Università di Corsica, i sfarenti spazii di spresione identitaria.

U pallò c' occupa una piazza impurtante. Un sguardu vivu nantu à un'identità in mossa.

Conferenza seguitata da a ritrasmissione di u scontru di Lega 2 Dunkerque/Bastia.

Ven. 13.02 > 6 ore di sera

## **[CANZONA CORSA] PETRU SANTU GUELFUCCI**

Per a prima volta in Casa di e lingue, u canterinu sermanacciu venerà à presentacci e so creazione esciute nè u so ultimù discu Naturale. Petru Santu Guelfucci, ci saperà incantà cù a so voce squisita è u so garbu altieru.



Ven. 27.02 > 6 ore di sera

## **[CANZONA CORSA] PARENU FOLE DI PATRIZIA POLI**

Parenu fole, un spetàculu natu à l'ora di u cunfinamentu, trà stalvatoghji è canzone d'ogni lingua, Patrizia Paoli è Pascal Arroyo ci purterenu di fole in canzone per u nostru più gran piacè.

Sab. 28.02 > 4 ore dopu mezzornu

## **[LINGUA CORSA] I SCONTRI CULTURALI**

Accoglie a Casa di e Lingue i Scontri animati da Cathy Campana, caffè culturali, aperti è vivi. Ingiru à invitati indiatu nù u mondu artisticu, culturale è citadinu, st'appuntamenti mettenu à l'onore u scambiu, l'ascolta è a mediazione spartuta.

Un tempu appesu per tesse i sguardi, nutri un pensà è scioglie a lingua corsa. Umanu è sinceru in corpu à a Casa di e Lingue è a so nuvella caffetteria In casa toia.



## MARZU

Ven. 06.03 > 6 ore di sera

### [CANTU FEMINILE] DORIA OUSSET È LESIA LEONCINI

À l'occasione di a ghjurnata internaziunale di e donne, accoglie a Casa di e Lingue à Doria Ousset è à Lesia Leoncini per un duettu tremendu. Cunniscimu e so voce, u so parcorsu è e so sensibilità, ma u ripertoriu ch'elle ci anu da presentà ferma inquant'à ellu una sorpresa vera. Di sta cunessione nascerà un cuncertu à l'intimu, dolce è sinceru. Un mumentu raru fattu à sorpresa è à libertà à ùn mancà.

Lun. 23.03 > 6 ore di sera

### [LINGUISTICA] PHILIPPE BLANCHET È ROZENN MILIN

Rozenn Milin, accumpagnata da u linguistu Philippe Blanchet, presenterà u so libru « L'imposition du français » cunsacratu à u tramutu linguisticu chi hà marginalizatu e lingue chi funu un tempu magiuritarie, cum'è u brittone. Schjarisce l'opera u rollu di a scola è di pratiche chi cunstrighjenu à prò d'una lingua solu. Un'analisi allargata à d'altre regione di Francia è di u mondu. Un scontru in partenariatu cù l'UMR LISA di l'Università di Corsica da capi l'inghjochi di e pulitiche linguistiche chi ci sò imposte.

### Sab. 28.03 > 4 ore dopu meziornu [LINGUA CORSA] I SCONTRI CULTURALI

Accoglie a Casa di e Lingue i Scontri animati da Cathy Campana, caffè culturali, aperti è vivi. Inghiru à invitati indiatu nù u mondu artisticu, culturale è citadinu, st'appuntamenti mettenu à l'onore u scambiu, l'ascolta è a mediazione spartuta.

Un tempu appesu per tesse i sguardi, nutri un pensà è scioglie a lingua corsa. Umanu è sinceru in corpu à a Casa di e Lingue è a so nuvella caffetteria In casa toia.



## APRILE

Ven. 03.04 > 6 ore di sera

### [LINGUA GADDURESA] A GADDURA, UN RINNOVU LINGUISTICU È CULTURALE IN ANDA

S'incontranu l'isule surelle in Casa di e lingue per una conferenza à duie voce, Marina Branca per a Corsica è Riccardo Mura per a Gaddura : A Gaddura, un rinnovu linguisticu è culturale in anda.



Ven. 10.04 > 6 ore di sera

**[SPORTU È SUCIOLUGIA] 1981  
LE SPORTING, UNE COUPE AUX  
COULEURS DU PEUPLE CORSE**

A Cuppa di Francia varca u mare per ghjunghje in Corsica. Hè nostra è a Corsica face festa da Ersu à Bunifazziu. Cerca Didier Rey a piazza di u pallò in a sucetà corsa attraversu a vittoria di u Sporting in u 1981, a memoria cullettiva, l'identità è a storia cuntemporanea.

Un racontu vivu chì palesa cumu un evenimentu spurtivu pò diventà un simbulu culturale.

Un scontru passionante per capi a dimensione suciostorica di a squadra di Bastia. A squadra di u populu corsu.

Cù a presenza di Paul Marchioni capitanu turchinu è u primu ad avè alzatu un trufeu naziunale, è di Charles Orlanducci, passatu un tempu à u Red Star, u ghjucadore di u Sporting cù u più di scontri cù a maglietta turchina.

Cunferenza seguitata da a ritrasmissione di u scontru di Lega 2 Red Star/Bastia

Sab. 25.04 > 4 ore dopu meziornu  
**[LINGUA CORSA] I SCONTRI  
CULTURALI**

Accoglie a Casa di e Lingue i Scontri animati da Cathy Campana, caffè culturali, aperti è vivi. Inghiru à invitati indiatu nù u mondu

artisticu, culturale è citadinu, st'appuntamenti mettenu à l'onore u scambiu, l'ascolta è a mediazione spartuta.

Un tempu appesu per tesse i sguardi, nutri un pensà è scioglie a lingua corsa. Umanu è sinceru in corpu à a Casa di e Lingue è a so nuvella caffetteria In casa toia.



**MAGHJU**

Lun. 04.05 > 6 ore di sera

**[LITERATURA]  
JORIS GIOVANETTI**

Venerà Joris Giovanetti

un giovanu autore

Castagnicciaghju à parlacci di u so primu rumanzu « Ceux que la nuit choisit ».

Serà accumpagnatu per l'occasione da Anghjulu Santu Pietrera, rispunsevule di u retale di e mediateche di a Città di Bastia.

Ven. 22.05 > 6 ore di sera

**[MÙSICA] MANDULINA**

Dopu cent'anni, centu mesi... a mandulina torna in terra prumessa. Strumentu assignalatu di i serinati è di e veghje in cantina, a mandulina serà messa à l'onore in Casa di e lingue per una stonda magnifica capitanata da Antone Maria Leonelli è Minicale.

> 8 ore di sera

**[SINEMÀ] PRUGHJEZIONE**

Dop'à u successu di l'annu scorsu, vi propune a Casa di e lingue una prughjezione à



l'apertu sottu à u celente di Sant'Anghjuli, si piserà u tilone di a programmazione à i primi di maghju.

Sab. 30.05 > 4 ore dopu meziornu

## **[LINGUA CORSA] I SCONTRI CULTURALI**

Accoglie a Casa di e Lingue i Scontri animati da Cathy Campana, caffè culturali, aperti è vivi. Inghjiru à invitati indiatu nù u mondu artisticu, culturale è citadinu, st'appuntamenti mettenu à l'onore u scambiu, l'ascolta è a mediazione spartuta.

Un tempu appesu per tesse i sguardi, nutri un pensà è scioglie a lingua corsa. Umanu è sinceru in corpu à a Casa di e Lingue è a so nuvella caffetteria In casa toia.



## **GHJUGNU**

Ghj. 04.06 > 6 ore di sera

## **[TEATRU] RESTITUZIONE ATTELLU PRATICILINGUA**

Ven. 05.06 > 6 ore di sera

## **[SPÈTACULU] A CASA DI E LINGUE PIGLIA E CRESTE**

V'accoglie a Casa di e Lingue per un spetàculu novu novu ch'intreccia trè arti : u ballu verticale è nantu à un maghju chinese cù Les Mines de Rien, u cantu cù Una Fiara

Nova è a mùsica elettrònica cù Pasquà Pancrazi. Tutti usanu di u so sapè fà per un filu solu : l'evoluzione di a lingua corsa da l'annate 50 à oghje. Attraversu canti, usi, lotte è invenzione, conta stu spetàculu una lingua in mossa sempre. Una lingua viva, nè inchjudata nè mancu sparita, chi si move nù e so voce, i so soni è i so corpi. Una creazione cullettiva nata in Sant'Anghjuli chi dice chi a lingua corsa appartene à tutti : à quelli d'eri è di dumane, à quelli chi a parlanu, l'amparanu, a trasmettenu.

Sab. 06.06 > 6 ore di sera

## **[SPÈTACULU] PRATICILINGUA IN FESTA**

Spetàculu di chjuditura di l'associu Praticilingua seguitatu da un cuncertu.

**Infos** : 06 16 11 74 76 /  
praticilingua@gmail.com

Dum. 07.06 > 6 ore di sera

## **[PAGHJELLA] TERZU CONCORSU DI PAGHJELLA**

Amichi paghjellaghji, di bassu, di terza o di seconda, turnemu à fà a nostra tradiziunale serata di paghjelle ? U sacratu di Sant'Anghjuli per decoru, un bancone per pusà è a paghjella per festighjà. Fà a to squadra, passa davanti à a ghjuria eppo veni à impaghjellà à voline più !

**Riservazione** : 06 17 06 08 49 o per mail  
mcbetti@bastia.corsica

# CASA \* DI E LINGUE

**Carrughju Sant'Anghjuli  
2020 Bastia**

Ouverture  
du lundi au jeudi  
8h-12h / 13h30-20h  
et le vendredi  
8h-12h / 13h30-17h

## **CONTACT**

Administrateur  
Alex NEGRONI  
☎ 06 17 06 08 49  
✉ anegrioni@bastia.corsica  
✉ lingua-cultura-corse@bastia.corsica

 Casa di e lingue

 @casadielingue

**[www.bastia.corsica](http://www.bastia.corsica)**

